

Վախճանվեց նրանի իս. Արովյանի անվան Նշխատանքային կարմիր դրոշի շքանշանակիր հայկական պետական մանկավարժական ինստիտուտի հայոց լեզվի և նրա դասավանդման մեթոդիկայի ամբիոնի վարիչ, ՀՍՍՀ ԳԱ թղթակից անդամ, գիտություն վաստակավոր գործիչ,



բանասիրական գիտությունների դոկտոր, պրոֆեսոր Ա. Ա. Արբաշյանը:

Ծնվել է 1918 թ. Սևանի շրջանի Գեղամավան (Շահրիգ) գյուղում: 1937—1944 թթ. ուսուցչական աշխատանք է կատարել Հրազդանի շրջանում: Խ. Արովյանի անվան մանկավարժական ինստիտուտի լեզվագրական ֆակուլտետի հեռակա բաժինը 1943 թ. ավարտելուց հետո ընդունվել է նույն ինստիտուտի ասպիրանտուրան հայոց լեզվի պոզիվ և միաժամանակ դասախոսական աշխատանք կատարել իս. Արովյանի անվան և հեռակա մանկավարժական ինստիտուտներում:

1944 թ. նա անընդմեջ զբաղվելով հայոց լեզու, լեզվաբանության ներածություն է ավանդել հիշյալ բուհերում: 1951—1959 թթ. համալսելով Վրաստանում է ՀՍՍՀ ԳԱ ինստիտուտի արդի հայերենի բաժնի վարիչ պաշտոնը: 1960 թ. ղեկավարել է իս. Արովյանի

անվան մանկավարժական ինստիտուտի հայոց լեզվի և նրա դասավանդման մեթոդիկայի ամբիոնը:

Մեծ է Ա. Արբաշյանի գիտական վաստակը: Նրա հետազոտական աշխատանքները երեք հիմնական ուղղություն ունեն: Առաջինը լեզվաբանական-քերականագիտական է: Հայագիտության բնագավառը նա մուտք գործեց և ամուր տեղ գրավեց իր թեկնածուական դիսերտացիայով, որը պաշտպանեց 1948 թ. («Հայերենի գերբայները և նրանց ձևաբանական նշանակությունը»): Այս աշխատության մեջ մանրամասնությամբ քննված են հայերենի գերբայների բառակազմական, իմաստային, կերպական հատկանիշներով՝ հայերենի պատմության ընդհանուր ֆոնի վրա: Այստեղ Ա. Արբաշյանը ստաջ է քաշել ընթացակցական գերբայի արժեքավորման խնդիրը: Շարունակելով հետազոտությունները հայերենի բայի վերաբերյալ՝ նա 1963 թ. հրատարակեց «Բայը ժամանակակից հայերենում» ծավալուն աշխատությունը, որը և պաշտպանեց իրեն դոկտորական դիսերտացիա: Սա ամփոփում է հայ քերականագիտության ներկայումս քննարկվող խոսքի մասի ուսումնասիրության ուղղությամբ: Այստեղ բայն ուսումնասիրված է ողջ համակարգով: Նա առաջ է քաշել մի շարք նոր դրույթներ (բայականության երկու տեսակի՝ համադրական և վերլուծական, բայասեռի նոր բնութան, մասնավորապես սեռադասերի և սեռերի, կրկնասեռության, բայածանցների վերաբերյալ և այլն): Այս հետազոտությունն իրավացիորեն գնահատվեց որպես նշանակալից ներդրում ժամանակակից գրական հայերենի բայի ուսումնասիրության մեջ:

Որոշակի կշիռ ունեն Ա. Արբաշյանի ուսումնասիրությունները հայերենի պատմության առանձին հարցերի ուղղությամբ: Հայոց լեզվի պատմությանը վերաբերող նրա աշխատանքների, ինչպես և դասախոսական գործունեության արգասիք է «Գրաբարի ձևերի» գիրքը, որը բուհական լավագույն դասագիրքն է և ունեցել է բազմաթիվ հրատարակություններ:

Ա. Արբաշյանի գիտական գործունեության երկրորդ բնագավառը հայ մատենագիրների երկերի աշխարհաբար թարգմանությունը, ծանոթագրումն ու հրատարակումն է: Այս ուղղությամբ

կատարած աշխատանքների մեջ անգնահատելի է Նդնիկ Կողբացու «Եղծ աղանդոցի» հրատարակությունը (1970): Նա հմտորեն թափանցել է հին դարերի փիլիսոփայական ուսմունքների էություն մեջ՝ տալով բնագրին հարադատ թարգմանություն: Նա առանձին հողված նվիրեց այլ երկի տերմինաբանության հարցին՝ ցույց տալով այն հսկայական ջերբ, որ մեծ փիլիսոփան կատարել է գիտական-փիլիսոփայական տերմինաբանության սկզբնավորման գործում: Ա. Արրահամյանը մասնակցել է Աղաթանգեղոսի, Փավստոս Բուզանդի և այլ հեղինակների երկերի հրատարակմանը: Նա աշխարհարար է թարգմանել, ծանոթագրել և հրատարակության հանձնել Ստեփանոս Օրբելյանի «Պատմություն նահանգին Սիսական» աշխատությունը:

Մեծ է Ա. Արրահամյանի վաստակը «Հայկական համարարաոճի» սկզբունքների մշակման և մի շարք երկերի համարարաոճների ստեղծման գործում (Նդնիկ Կողբացու, Փավստոս Բուզանդի, Գրիգոր Նարեկացու և այլն): 1978 թ. նա ղեկավարում էր ՀՍՍՀ ԳԱ լեզվի ինստիտուտի համարարաոճի բաժինը:

Ա. Ա. Արրահամյանը խոշոր վաստակ ունի բնագիտական և արվեստական կազմակերպչական գործում: Նրա ղեկավարությամբ գիտությունների և արվեստի ճանաչում ունեցող շատ լեզվաբաններ և մեթոդիստներ:

Պրպտուն միտք, անմնացորդ նվիրում, խոս-

րի կուռ տրամաբանություն, փաստարկների համոզականություն, եզրակացությունների փաստական հիմնավորվածություն, հարցերի հանդամանալից և սպառիչ հետազոտում, գիտական բարեխղճություն, ահա նրա՝ գիտության անխոնջ մշակի բնութագրական հատկանիշները: Նա ուժոված էր դաստիարակի մեծ վարպետությամբ, բաներին իր անսպառ գիտելիքներին հաղորդակից դարձնելու, մայրենիի նկատմամբ սեր ներարկելու հաղվադուտ կարողություններով: Եվ այդ բոլորի տրամաբանական արդյունքն է այն անսահման սերն ու հարգանքը, որ տածում էին նրա նկատմամբ գործընկերներն ու ուսանողները:

Բարձր են գնահատվել նրա գիտական գործունեությունն ու վաստակը Կոմունիստական կուսակցության և սովետական կառավարության կողմից: Նա ՀՍՍՀ ԳԱ թղթակից անգամ էր, գիտություն վաստակավոր գործիչ, Աշխատանքային կարմիր գրոշի շքանշանակիր, պարգևատրվել էր ՀՍՍՀ Գերագույն սովետի պատվոգրերով, եղել է ժողովրդական դեպուտատների ներկայից քաղաքային սովետի դեպուտատ:

Անվանի գիտնականն ու մանկավարժը իր գիտական վաստակով ու մանկավարժական հմտություններով երկար ժամանակ օրինակ կծառայի գիտության ու մանկավարժության բնագավառները ոտք դնող սերունդների համար:

Վ. Ա. ՔՈՍՅԱՆ